


歷代 日記叢鈔



歷代日記

學苑出版社

歷
代
日
記
叢
鈔

第四三冊

日記

十七日天明起如昨念起能自覺背書不混評字批閱李鳳林文詩各四甫畢而
鳳林至因文題勸以實學伊家貧甚勉其自立為動忍之資于刻揖告神主赴
司馬鎮為竹昌題主夜過邢子頑勉以相好無猶反復以自責規之宿王維垣館
十八日五更起點心天明寫主早飯後睡至午後省閒話未刻偕原隨鳳兄赴劉氏祖
塋伊中刻各殯懸棺點主用墨筆晚歸與隨鳳兄言學之更方食比完已半夜矣
妄視克欲不剛小人閒居為不善拚著情形甚醜甚苦可哀可鄙

十九日天明起與邢保先生說翰之先生家事聽其言甚明切早飯畢歸辰刻至告
主三弟患喉腫小兒患口瘡延醫郭先生未刻至診視三弟用磁針破數藥次

小兒亦數藥陪話至傍晚去說訟卦夜說孟子二章記前二日及本日事寢有利心
二日天明起服藥酒肅揖點心閒步心煩多混背書許久評字辰刻醫來再敷
藥均已輕些陪話至午刻去略憩看泰卦講師夜說孟子二章人皆有不忍人
之心章指示真切讀者苟一反求未有不悚然動者再看泰卦寢夢雜

二十日五更覺收拾思慮尚清天明起如昨日仍多混處背書良久評字曹先生來
談許久去醫來病均大愈陪至午去徐仁叔來未刻去小憩說比卦反復戒比匪之傷
自陷於匪人令人皆戒與己比尤可痛也夜說孟子二章子路喜聞過真百世之師
令各審己過而改之深戒不認過因痛說不改過之害并以自省看否卦寢謹

二十日黎明覺思慮不起如昨背書評字看同人大有再看小畜張式一李春
田來共話至未刻去多說時事春田多說記媒背書講小畜閒步晚食夜說孟子二
章看履泰二卦履初之獨行願即從吾所好也默坐清寂謹夢猶溺於文
二十日天明起盥洗有利念肅揖點心閒步仍有混背書良久評字看否同人大
有屢閒步午後小憩起背書講履卦看謙卦鳴謙之象傳云志未得謂志猶
欲然未自以為得也此正謙之誠也傍晚杜醫來成刻去說孟子將朝王章看
豫卦豫易溺人不終日克欲之剛也遲則有悔况鳴與冥乎凡意所便安者皆豫
也非知幾惡能割之於早乎君子所以必慎獨也寢謹夢仍雜

二十四日五更覺整飭思慮尚不泛雜天明起如昨日多計較私念背書許久評字閒步不泛看隨卦乎嘉隨之第一義天下惟隨善為至耳陪客片時午刻閒話略憩起改友善講義背書講泰卦係泰之意反復告戒無奈當境者不覺耳閒步晚食意境不放夜說孟子五章儉親之說孟子指棺槨言之豈若今世以不排場為儉親乎推此意切言之看蠱卦巽而止乃成蠱身心家國天下無往不然先甲後甲非知幾之神其孰能與於斯寢謹

二十五日黎明醒不一起盥有妄念肅揖點心閒步總有混處出題背書許久評字看臨卦有欲邀說事者度己不能辭之為舉一能者午食閒步憩

許久斬妄念心境平坦 改論驛縣牛年姪來田宿說孟子二章 陪客許久寢不
二十六日五更覺初清後雜天明起如昨陪客贈錢二千送之去背書許久前講書
有誤正評字改文詩閒步午食閒話想許久不寐心境平坦陳有齋來說姪女
姻事又說還債事告以正理勿貪小利講否卦夜說孟子五章寢謹夢仍雜
二十七日五更覺整頓無精力天明起盥皆如昨亦貫不到背書良久一字不混
評字看孟子二章午食閒話少憩心境收斂改友善講義為說之看滕文公
問為國章背書講同人夜說滕文公為世子章照註旁通意推說性善之旨
反復勸友善等振拔有為法堯舜則可為聖賢否則為禽獸不容中立危哉

二十八日五更起盥視諸生猶寢反飲藥酒街房皆起讀復視友善等仍未起呼之默坐至明尚清肅揖點心閒步背書評字看周田制午餐稍憩看諸儒論田制背書講大有夜說滕定公章推說今世之弊看三代學制亦迄無定論寢謹二十九日夢雜神不安心失所養也五更起盥友善等已早起聽教勤業可喜

默坐至明尚清餘時如昨尚不甚泛看許行章闢得痛快理明詞自達大義炳然午餐憩久起改友善講義看夷之章直從其心坎所不容已激發之精極矣背書說謙卦反復勸勉之夜說問為國章又講譬諸小人二句題文因就眼前實地切戒之看觀卦記事寢謹夢說履和而至等義

三十日五更起時已起默坐聽背書心清天明肅揖出題點心閒步不的背書
良久不混看壁噓王姻丈來聽伊說家事其心已陰為妾所移而不覺也哀
哉午後小憩改友善論原祥卿來說月興事傍晚去夜改文詩寢謹

十月初一日黎明起肅衣冠於至聖前行禮尚有雜念點心祠堂率家人祀先看貢
卦辰刻赴祖塋焚紙歸謁姑母侍話許久姑丈乘戾不近人情少頃妹來其家
亦為庶母所破爰手不可終日矣未刻送妹去看卦陽必制陽陰古今一轍家國
一理坤初之履霜臨家之八月有凶姤初之羸豕聖人垂戒諄欲人辨之於早防
之於微然能知幾謹幾者誰哉記事夜看孟子生卒年月考 寢謹

初二日五更起盥學止張生起服藥酒默坐至明不的肅揖點心閒步看大金千乘
萬乘考終不明午刻吳親家來陪話至夜宿 寢謹

初三日天明起如昨辰刻送吳親家去原姑丈處說伊家事乃伊子被撻遂逃不見
歸看陳代章午後閒步小憩批閱李毓棟文詩遂與伊說之閒^步晚食與泉東
兄閒話夜景^有春曰二章閒有大惡念自責自罵士起娶妻酌給錢文寢過幾
初四日五更覺打掃心境頗平坦然實有嬾起意黎明起如昨默坐尚清晨刻張欽
來說其友秦某葬事求寫墓志許之和育菴來飯時去與張欽言學務在自
克心無主總由私意牽之又說靜坐不可廢意午後去小憩看彭更數章頭忽

暈閒步至晚漁汀來旋去看復卦胸覺飽悶便疑有病記事寢不敢放

初吾天明起如昨出題點心閒看許久查看醫方擬製丸藥看好辦章午刻小憩

接看好辦章及陳仲子章夜批改文詩寢謹

初宵黎明披衣坐旋盡皆如昨改文詩已刻拊告神主赴張茹為人題主午後到

飯畢書主七通留蘇未成晚方畢夜與韋宸閒話寢有嫌被不好念止之夢雜

初七日天明起盥默坐許久亦不的早飯後赴伊新塋閒看不免妄視初九下棺見墓

尚未動土問之則彼處皆然殊嫌草率歸謁皇甫伯母喪家是日移柩於墳待至申

方赴墳為成主用墨筆承重孫不在家有嫡曾孫伊欲次子主祭為正之寢雜夢

初日五更覺自省滿腔子皆私欲偶扯天理來作客何益自責頗切心境稍平天明起稍坐早飯訪漁汀稍話遂歸已刻到家告主學易來午初送去飯後又有客略話去小憩起對聯條幅等至晚夜看无妄記前三日及本日事寢放

初九日天明起肅揖點心閒步許久寫楷扇一意在勸人然已尚不能人於何有辰心告主往溫縣為王景通寫行述伊將刻石存祠堂也午正後到未刻飯後往弔王廉訪大兄之喪訪純久諸人至晚夜閒話

初十日天明起盥思无妄卦辭彖傳許久意稍明析終日寫行述條有邪妄念止
十一日天明起寫行述至巳刻完午未間寫扇五柄屢誤純久招飲不放夜小雨

十二日天明起辰刻點心歸午初至家告主損之來學稍話飯後與泉東兄話小
憩起改友善講義說豫卦飯後閒步許久夜說許久章數節改字詩涉獵魏志列傳
十三日天明起肅揖點心閒步默坐一晨昏妄記前數日事批看國楨日記邢子顏偕
汜水張公捷來談至未刻去其人知向學而功未真切勸其及時勉力看隨卦
為說之又看蠱卦閒步許久泛泛夜說當堯之時五節街屋看學生因看中庸
輯略涉獵而已心喫不住力若有若無當境輒放過何益二更寢不放
十四日五更醒氣清仍嬾起即早起亦有所為而為而尚不自力強起而天已明矣
如昨日優游一晨看舊皮有嫌無衣念已刻記事看臨觀二卦午後小憩起改友

善講義背書說蠱卦看噬嗑夜講孟子看蜀志帝紀寢不放

十五日黎明起肅衣冠於至聖前行禮尚有妄念二點心祠堂陳朔供

辰刻畢背書許久不混寫扇三柄妹來共話至午飯後小憩起改友善論送妹去武陟

任大兄來稍話去寫楷扇二晚飯後閒話聞捉船往清江接運米石以平

糶本為善政乃船既受累糧價亦增長利未及民而害先至矣可歎說夷

子章直從心坎中警發之孟子真善誘人愈可見性善矣記事寢謹

十六日天明起肅揖點心閒步許久背書良久不混評字改文詩批看夢螭日記午

後小憩起看蜀志說臨卦夜講陳代二章看諸葛等傳寢謹

十七日五更起學皆未起服藥酒默坐至明仍不的餘如昨日背書許久不混看
賁卦辰刻張欽偕其友秦廷魁來求寫墓志寫至未完小憩與張欽言學必
斥陸王為異端實嫌深文心不舒閒步說觀卦夜講周霄章看蜀志貪多寢謹
十八日五更覺整頓心境旋昏黎明起如昨日不放閒舉動太多即是妄也飯後
寫對條等三姪女定姻事今日納聘酌寫回啓小憩起記前二日及本日事晚講
噬嗑夜說彭更二章看蜀志及吳志孫堅等傳貪多不改寢謹
十九日五更覺打掃思慮總不精湛天明起如昨日混看以三姪女事告祖勉強不誠剝復二卦復初陽剝於
而即生於下本有不遠復之象故以不遠復合之已後南湖妹來午後刻客

陸續來至晚講貫卦閒話手容戲動夜同諸生往西頭觀劇寢不謹

二十日天明起如昨日閒坐一晨多私念飯後閒話山西門生李_{璞序}鉅珍署原武

專人送信即復之勸其以為民父母存心設誠而致行之及嚴戢賊盜自

務節儉等語午前後憩有戲念起引子有戲動當境放過直是無志記

^昨日事改永齡文詩屢戒作偽而總不悛難矣夜改文詩各二寢不謹

二十日天明起如昨日告主卦武陟賀喜昨日小雨泥濘滿路午後始到布

庄閒話至晚陪世亭伯岳飲宴三更餘畢三更餘方寢太遲神勞夢不安

二十日天明起信致王香圃為吳五兄說項過河訪旭初不遇見亮熙_{還伊錢}仍

反布庄早飯後冒雨歸終日小雨晚至家告主原泰臨先在夜大雪

二十三日天明起雪仍未止肅揖點心與泰臨共語已後為信致孔脩屬為薦

館午後小憩看孫權等傳說剝卦夜講戴不勝二章將畢忽若迷罔心力日衰奈何

是日雨雪雜下至夜方止膏澤優渥豐稔可望寢不敢放

二十四日天明起如昨日送泰臨去一事留滯不化妄也看張昭等傳午後小憩起

看周瑜等傳講復卦夜說戴盈之章至咸以正無缺看吳志寢不謹有計利心

二十五日天明起如昨日計利念不化意嫌人貪而已計較不已於人何責看陸遜諸

傳陸抗忠正籌略無愧大臣午後憩有妄念輒有雜夢改友善論記昨今日事